

竹書紀年卷上

梁沈約附注


明范欽訂

帝軒轅氏

母曰附寶見大電繞北斗樞星光照郊野或
而孕二十五月而生帝於壽丘弱而能言龍
顏有聖德効白神朝而使之應龍攻蚩尤戰
虎豹熊羆四獸之力以女魃止淫雨天下既
定聖德光被羣瑞畢臻有屈軼之草生於庭



温州市图书馆
WENZHOU LIBRARY



佞人入朝則草指之是以佞人不敢進

九年帝卽位居有熊○初制冕服

二十年景雲見以雲紀官

有景雲之瑞赤方氣與青方氣相連赤方中

有兩星青方中有一星凡三星皆黃色以于

清明時見於攝提名曰景星帝黃齋齋于中

宮坐于玄扈洛水之上有鳳凰集不食生

不履生五七以止帝之東園或巢於阿閣或鳴

於庭其雄自歌其雌自舞麒麟在囿神鳥來

儀有大螻如羊大蠖如虹帝以土氣勝遂以

十德王

五十年秋七月庚申鳳鳥至帝祭于洛水

庚申天霧三日三夜晝昏帝問天老力牧容

成曰於公何如天老曰臣聞之國安其主好

文則鳳凰居之國亂其主好武則鳳凰去之

今鳳凰翔於東郊而樂之其鳴音中夷則與

天相副以是觀之天有嚴教以賜帝帝勿犯

也召史卜之龜焦史曰臣不能占也其問之

聖人帝曰巳問天老力牧容成矣史北面再拜曰龜不違聖智故焦霧既降游于洛水之上見大魚殺五牲以醮之天乃甚雨七日七夜魚流於海得圖書焉龍圖出河龜書出洛赤文篆字以授軒轅接萬神於明庭今塞門谷口是也

五十九年貫曾氏來賓○長股氏來賓
七十七年昌意降居若水產帝乾荒
一百年地裂○帝陟

帝王之崩皆曰陟書稱新陟王謂新崩也帝以土德王應地裂而陟羣臣有左徹者感思帝德取衣冠几杖而廟饗之諸侯

大夫歲時朝焉

帝摯少昊氏

約按帝摯少昊氏母曰女節見星如虹下流華渚既而夢接意感生少昊登帝位有鳳凰之瑞或曰名清不居帝位帥鳥師居西方以鳥紀官

帝顓頊高陽氏

母曰女樞見瑤光之星貫月如虹感已於幽
房之宮生顓頊於若水首戴干戈有聖德生
十年而佐少昊氏二十而登帝位

元年帝卽位居濮

十三年初作曆象

二十一年作承雲之樂

三十年帝產伯鯨居天穆之陽

七十八年帝陟○術器作亂辛侯滅之

帝譽高辛氏

生而駢齒有聖德初封辛侯代高陽氏王天
下使鼓人拊鞀鼓擊鐘磬鳳凰鼓翼而舞

元年帝卽位居亳

十六年帝使重帥師滅有鄗

四十五年帝錫唐侯命

六十三年帝陟

帝子摯立九年而廢

帝堯陶唐氏

母曰慶都生於斗維之野常有黃雲覆其上

及長觀于三河常有龍隨之一日龍負圖而
至其文要曰亦受天祐眉八彩鬚髮長七尺
二寸面銳上豐下足履翼宿既而陰風四合
赤龍感之孕十四月而生堯於丹陵其狀如
圖及長身長十尺有聖德封於唐夢攀天而
上高辛氏衰天下歸之

元年丙子帝卽位居冀○命羲和曆象

五年初巡狩四岳

七年有麟

十二年初治兵

十六年渠搜氏來賓

十九年命共工治河

二十九年春焦僥氏來朝貢沒羽

四十二年景星見于翼

五十年帝遊于首山乘素車玄駒

五十三年帝祭于洛

五十八年帝使后稷放帝子朱于丹水

六十一年命崇伯鯀治河

六十九年黜崇伯鯀

七十年春正月帝使四岳錫虞舜命

帝在位七十年景星出翼鳳凰在庭朱草生

嘉禾秀甘露潤醴泉出日月如合璧五星如

連珠厨中自生肉其薄如箠搖動則風生食

物寒而不臭名曰箠脯又有草莢階而生月

朔始生一莢月半而生十五莢十六日以後

日落一莢及晦而盡月小則一莢焦而不落

名曰莢一曰曆莢洪水既平歸功於舜將

以天下禪之乃潔齊脩壇塲於河洛擇良日

率舜等升首山遵河渚有五老游焉蓋五星

之精也相謂曰河圖將來告帝以期知我者

重瞳黃姚五老因飛爲流星上入昴二月辛

丑昧明禮備至於日昃榮光出河休氣四塞

白雲起回風搖乃有龍馬銜甲赤文綠色緣

壇而上吐甲圖而去甲似龜背廣九尺其圖

以白玉爲檢赤土爲泥似黃金約以青繩

檢文曰闔色授帝舜言虞夏當授天命帝乃

寫其言藏於東序後二年二月仲辛率羣臣
沈璧于洛禮畢退俟至于下昃赤光起玄龜
負書而出背甲赤文成字止壇其書言當禪
舜遂讓舜

七十一年帝命二女嬪于舜

七十三年春正月舜受終于文祖

七十四年虞舜初巡狩四岳

七十五年司空禹治河

七十六年司空伐曹魏之戎克之

八十六年司空入觀贊用玄圭

八十七年初建十有二州

八十九年作游宮于陶

九十年帝游居于陶

九十七年司空巡十有二州

一百年帝陟于陶

帝子丹朱避舜于房陵舜讓不克朱遂封于

房爲虞賓三年舜卽天子之位

帝舜有虞氏

母曰握登見大虹意感而生舜於姚墟目重瞳子故名重華龍顏大口黑色身長六尺一寸舜父母憎舜使其塗廩自下焚之舜服鳥工衣服飛去又使浚井自上填之以石舜服龍工衣自傍而出耕於歷夢眉長與髮等遂登庸

元年己未帝卽位居冀○作大韶之樂

卽帝位冀茨生於階鳳凰巢於庭擊石拊石以歌九韶百獸率舞景星出于房地出乘黃

之馬

三年命咎陶作刑

九年西王母來朝

西王母之來朝獻白環玉玦

十四年卿雲見命禹代虞事

在位十有四年奏鐘石笙管未罷而天大雷雨疾風登屋拔木桴鼓播地鐘石亂行舞人頓伏樂正狂走舜乃磬堵持衡而笑曰明哉天下非一人之天下也亦乃見于鐘石笙筦

乎乃薦禹於天使行天子事也于時和氣普
應慶雲興焉若烟非烟若雲非雲郁郁紛紛
蕭索輪囷百工相和而歌卿雲帝乃倡之曰
慶雲爛兮禮縵縵兮日月光華旦復旦兮羣
臣咸進頓首曰明明上天爛然星陳日月光
華弘于一人帝乃再歌曰日月有常星辰有
行四時從經萬姓允誠於予論樂配天之靈
三遷于聖賢莫不咸聽饗乎鼓之軒乎舞之精
華以竭褰裳去之於是八風循通慶雲叢聚
蟠龍奮迅於其藏蛟魚踊躍於其淵龜鱉咸
出其穴遷虞而事夏舜乃設壇於河依堯故
事至于下昊榮光休至黃龍負圖長三十二
尺廣九尺出于壇畔赤文綠錯其文言當禪
禹

十五年帝命夏后有事于太室

十七年春二月入學初用萬

二十五年息慎氏來朝貢弓矢

二十九年帝命子義鈞封于商

三十年葬后育于渭

三十二年帝命夏后總師遂陟方岳

三十三年春正月夏后受命于神宗遂復九州

三十五年帝命夏后征有苗有苗氏來朝

四十二年玄都氏來朝貢寶玉

四十七年冬隕霜不殺草木

四十九年帝居于鳴條

五十年帝陟

義鈞封于商是謂商均后育娥皇也鳴條有

蒼梧之山帝崩遂葬焉今海州入王封也

帝禹夏后氏

母曰脩巳出行見流星貫昴夢接意感旣而吞

三神珠脩巳背剖而生禹於石紐虎鼻大口兩耳

大參鏤首戴鉤鈐曾有玉斗足文履巳故名文

命長有聖德長九尺九寸夢自洗於河取水

飲之又有白狐九尾之瑞當堯之世舜舉之

禹觀於河有長人白面魚身出曰吾河精也

呼禹曰文命治水言訖授禹河圖言治水之

事乃退入于淵禹治水既畢天錫玄珪以告
成功夏道將興草木暢茂青龍止於郊祝融
之神降于崇山乃受舜禪卽天子之位洛出
龜書是爲洪範三年喪畢都于陽城
元年壬子帝卽位居冀○頒夏時于邦國
二年咎陶薨
五年巡狩會諸侯于塗山
南巡狩濟江中流有二黃龍負舟舟人皆懼
禹笑曰吾受命於天屈力以養人生性也死
命也奚憂龍哉龍於是曳尾而逝

八年春會諸侯于會稽殺防風氏○夏六月雨
金于夏邑○秋八月帝陟于會稽禹立四十
五年

禹薦益於天七年禹崩三年喪畢天下歸啓
帝啓

元年癸亥帝卽位于夏邑大饗諸侯于鈞臺諸
侯從

帝歸于冀都大饗諸侯于璿臺

二年費侯伯益出就國○王帥師伐有扈大戰

于甘有扈在始平鄂縣

六年伯益薨祠之

八年帝使孟涂如巴涖訟

十年帝巡狩舞九韶于大穆之野

十一年放王季子武觀于西河武觀即五觀也觀國今頓丘衛

縣

十五年武觀以西河叛彭伯壽帥師征西河武

觀來歸

十六年陟

帝太康

元年癸未帝即位居斟鄩畋于洛表羿入居斟

鄩

四年陟

帝仲康

元年巳丑帝即位居斟鄩

五年秋九月庚戌朔日有食之命胤侯帥師征

羲和



六年錫昆吾命作伯

七年陟○世子相出居商丘依邳侯

一作依同姓諸侯斟

灌斟

帝相

元年戊戌帝卽位居商○征淮夷

二年征風及黃夷

七年于夷來賓

八年寒浞殺羿使其子澆居過

九年相居于斟灌

十五年商侯相土作乘馬遂遷于商丘

二十年寒浞滅戈

二十六年寒浞使其子澆帥師滅斟灌

二十七年澆伐斟鄩大戰于濰覆其舟滅之

二十八年寒浞使其子澆弑帝后緡歸于有仍

伯靡出奔有仍

斟灌之墟是為帝丘后緡方娠逃出自竇歸

于有仍伯靡奔有鬲氏

夏世子少康生

丙寅年

少康自有仍奔虞

乙酉年

伯靡自鬲帥斟鄩斟灌之師以伐浞世子少康

使汝艾伐過殺澆

甲辰年

○伯子杼帥師滅戈

伯靡殺寒浞少康自綸歸于夏邑

乙巳年

明年后緡生少康既長爲仍牧正其澆能戒之澆使椒求之將至仍少康逃奔有虞爲之庖正以除其害虞思於是妻之以二姚而邑諸綸有田一成有衆一旅能布其德而兆其謀以收夏衆撫其官職夏之遺臣伯靡自有

鬲氏收二斟之燼以伐浞浞恃澆皆康娛日忘其惡而不爲備少康使汝艾諜澆初浞娶純狐氏有子早死其婦曰女岐寡居澆強圉往至其戶陽有所求女岐爲之縫裳共舍而宿汝艾夜使人襲斷其首乃女岐也澆既多力又善言艾乃畋獵放犬逐獸因嗾澆顛隕乃斬澆以歸于少康於是夏衆滅浞奉少康歸于夏邑諸侯始聞之立爲天子祀夏配天不失舊物

帝少康

元年丙午帝卽位諸侯來朝賓虞公

二年方夷來賓

三年復田稷

后稷之後不窳失官至是而復

十一年使商侯冥治河

十八年遷于原

二十一年陟

帝杼

元年己巳帝卽位居原

五年自原遷于老丘

八年征于東海及三壽得一狐九尾

十三年商侯冥死于河

十七年陟

杼或作帝守一曰伯杼杼能帥禹者也故夏

后氏報焉

帝芬

元年戊子帝卽位



WENZHOU LIBRARY

三年九夷來御

十六年洛伯用與河伯馮夷鬪

三十三年封昆吾氏子于有蘇

三十六年作園土

四十四年陟

芬或曰芬發

帝芒

元帝壬申帝卽位以玄珪賓于河

十三年東狩于海獲大魚

三十三年商侯遷于殷

五十八年陟

芒或曰帝荒

帝泄

帝元年辛未帝卽位

十二年殷侯子亥賓于有易有易殺而放之

十六年殷侯微以河伯之師伐有易殺其君綿

臣

殷侯子亥賓于有易而淫焉有易之君綿臣



温州图书馆
WENZHOU LIBRARY

殺而放之故殷上甲微假師于河伯以伐有
易滅之遂殺其君綿臣中葉衰而上甲微復
興故殷人報焉

二十一年命畎夷白夷玄夷風夷燧黃夷

二十五年陟

帝不降

元年巳亥帝卽位

六年伐九苑

三十五年殷滅皮氏

五十九年遜位于弟廆

帝廆

元年戊戌帝卽位

十年帝不降陟

三代之世內禪惟不降實有聖德

十八年陟

帝廕

一名胤甲

元年巳未帝卽位居西河

竹書紀年卷上
四年作西音○昆吾氏遷于許已姓名樊封于衛夏衰為伯遷

于舊許

八年天有祆孽十日竝出其年陟

帝孔甲

元年乙巳帝卽位居西河○廢豕韋氏使劉累

豢龍

三年王畋于荇山

五年作東音

七年劉累遷于魯陽

王好事鬼神肆行淫亂諸侯化之夏政始衰

田于東陽荇山天大風晦盲孔甲迷惑入于

民室主人方乳或曰后來見良日也之子必

大吉或又曰不勝也之子必有殃孔甲聞之

曰以為余一人子夫誰殃之乃取其子以歸

既長為斧所戕乃作破斧之歌是為東音劉

累所畜龍一雌死潛醢以食夏后夏后饗之

既而使求之懼而遷于魯陽其後為范氏

九年陟○殷侯復歸于商丘



帝昊

昊一作皐

元年庚辰帝即位○使豕韋氏復國

夏衰昆吾豕韋相繼

為伯

三年陟

帝發

一名后敬或曰發惠

元年乙酉帝即位○諸夷賓于王門再保墉會

于上池○諸夷入舞

七年陟○泰山震

帝癸

一名桀

元年壬辰帝即位居斟鄩

三年築傾宮○毀容臺○畎夷入于岐以叛

六年岐踵戎來賓

十年五星錯行夜中星隕如雨○地震○伊洛

竭

十一年會諸侯于仍有緡氏逃歸遂滅有緡

十三年遷于河南○初作輦

十四年扁帥師伐岷山一作山民

癸命扁伐山民山民女于桀二人曰琬曰琰

后愛二人女無子焉斲其名于茗華之玉茗

是琬華是琰而棄其元妃于洛曰妹喜於傾

宮飾瑤臺居之

十五年商侯履遷于亳成湯元年

十七年商使伊尹來朝

二十年伊尹歸于商及汝鳩汝方會于北門

二十一年商帥征有洛克之遂征荆荆降

二十二年商侯履來朝命囚履于夏臺

二十三年釋商侯履○諸侯遂賓于商

二十六年商滅溫

二十八年昆吾氏伐商商會諸侯于景亳遂征

韋商師取韋遂征顧○太史令終古出奔商

二十九年商師取顧○三日竝出○費伯昌出

奔商○冬十月鑿山穿陵以通于河

三十年瞿山崩○殺其大夫關龍逢○商師征



昆吾○冬聆隧災

三十一年商自師征夏邑克昆吾大雷雨戰于
鳴條夏師敗績桀出奔三朥商師征三朥戰于
劇獲桀于焦門放之于南巢

自禹至桀十七世有王與無王用歲四百七

十一年

起壬子
終壬戌

殷商成湯

名履

湯有七名而九征放桀于南巢而還諸侯八

譯而來者千八百國奇肱氏以車至乃同尊
天乙履為天子三讓遂即天子之位初高辛
氏之世妃曰簡狄以春分玄鳥至之日從帝
祀郊禱與其妹浴於玄丘之水有玄鳥銜卵
而墜之五色甚好二人競取覆以二筐簡狄
先得而吞之遂孕胷剖而生契長為堯司徒
成功於民受封於商後十三世生主癸主癸
之妃曰扶都見白氣貫月意感以乙日生湯
號天乙豐下銳上哲而有顙句身而揚聲長

九尺臂有四肘是爲成湯湯在亳能脩其德
伊摯將應湯命夢乘船過日月之傍湯乃東
至于洛觀帝堯之壇沈璧退立黃魚雙踴黑
鳥隨之止于壇化爲黑玉又有黑龜竝赤文
成字言夏桀無道湯當代之禱杙之神見于
邳山有神牽白狼銜鉤而入商朝金德將盛
銀自山溢湯將奉天命放桀夢及天而舐之
遂有天下商人後改天下之號曰殷
十八年癸亥王卽位居亳○始屋夏社

十九年大旱○氐羌來賓

二十年大旱○夏桀卒于亭山禁弦歌舞

二十一年大旱○鑄金幣

二十二年大旱

二十三年大旱

二十四年大旱王禱于桑林雨

二十五年作大濩樂○初巡狩定獻令

二十七年遷九鼎于商邑

二十九年陟

外丙

名勝

元年乙亥卽位居亳命卿士伊尹

二年陟

仲壬

名庸

元年丁丑王卽位居亳命卿士伊尹

四年陟

太甲

名至

元年辛巳王卽位居亳命卿士伊尹放太甲于桐乃自立

約按伊尹自立蓋誤以攝政爲真爾

七年王潛出自桐殺伊尹天大霧三日乃立其子伊陟伊奮命復其父之田宅而中分之

約按此文與前後不類蓋後世所益

十年大饗于太廟○初祀方明

十二年陟

沃丁

名絢

元年癸巳王卽位居亳命卿士咎單

八年祠保衡

十九年陟

小庚約按史記作太庚

名辨

元年壬子王卽位居亳

五年陟

小甲

四名高辛大乙辛

元年丁巳王卽位居亳

十七年陟


雍巳

名侏

元年甲戌王卽位居亳

十二年陟

太戊



名密

元年丙戌王卽位居亳命卿士伊陟臣扈

七年有桑穀生于朝

十一年命巫咸禱于山川

二十六年西戎來賓王使王孟聘西戎

三十一年命費侯中衍爲車正

三十五年作寅車

四十六年大有年

五十八年城蒲姑

六十一年東九夷來賓

七十五年陟

夫戊遇祥桑側身脩行三年之後遠方慕明

德重譯而至者七十六國商道復興廟爲中

宗竹書作
太宗

仲丁

名莊

元年辛丑王卽位自亳遷于囂于河上

六年征藍夷

九年陟

外壬

名發

元年庚戌王節位居囂○邳人姚人叛

十年陟

河置甲

名整

元年庚申王卽位自囂遷于相

三年彭伯克邳夷來貢

四年征藍夷

五年佻人入于班方彭伯韋伯伐班方佻人來

賓

九年陟

祖乙

名滕

元年巳巳王卽位自相遷于耿命彭伯韋伯

二年圮于耿自耿遷于庇

三年命卿士巫賢

八年城庇

十五年命邠侯高圉

十九年陟

祖乙之世商道復興廟為中宗

史記與無逸皆無之

祖辛

名旦

元年戊子王卽位居庇

十四年陟

開甲 史記作沃甲

名踰

元年壬寅王卽位居庇

五年陟

祖丁

名新

元年丁未王卽位居庇

九年陟

南庚

名更



WENZHOU LIBRARY

元年丙辰王卽位居庇

三年遷于奄

六年陟

陽甲一名和甲

名和

元年壬戌王卽位居奄

三年西征丹山戎

四年陟

盤庚

名旬

元年丙寅王卽位居奄

七年應侯來朝

十四年自奄遷于北蒙曰殷

十五年營股邑

十九年命邠侯亞圉

二十八年陟

小辛

名頌



温州圖書館

WENZHOU LIBRARY

元年甲午王卽位居殷

三年陟

小乙

名斂

元年丁酉王卽位居殷

六年命世子武丁居于河學于甘盤

十年陟

武丁

名昭

元年丁未王卽位居殷命卿士甘盤

三年夢求傳說得之

六年命卿士傳說視學養老

十二年報祀上甲微


二十五年王子孝已卒于野

二十九年彤祭太廟有雉來

三十二年伐鬼方次于荆

三十四年王師克鬼方氏羗來賓

四十三年王師滅大彭



WENZHOU LIBRARY

五十年征豕韋克之

五十九年陟

王殷之大仁也力行王道不敢荒寧嘉靖殷
邦至于大亦無時或怨是時輿地東不過江
黃西不過氐羗南不過荆蠻北不過朔方而
頌聲作禮廢而復起廟號高宗

祖庚

名曜

元年丙午卽位居殷作高宗之訓

十一年陟

祖甲

國語作
帝甲

名載

元年丁巳王卽位居殷

十二年征西戎○冬王返自西戎

祖甲西征
得一丹山

十三年西戎來賓命邠侯組紆

二十四年重作湯刑

二十七年命王子囂王子良

三十三年陟



竹書紀年卷上
王舊在野及卽位知小人之依能保惠庶民
不侮鰥寡迨其末也繁刑以攜遠殷道復衰

國語曰玄王勤商十有四世帝甲亂之七世而隕

馮辛史記作廩辛

名先

元年庚寅王卽位居殷

四年陟

庚丁

名囂

元年甲午王卽位居殷

八年陟

武乙

名瞿

元年壬寅王卽位居殷邠遷于岐周

三年自殷遷于河北○命周公奭父賜以岐邑

十五年自河北遷于沫

二十一年周公奭父薨

二十四年周師伐程戰于畢克之

三十年周師伐義渠乃獲其君以歸

三十四年周公季歷來朝王賜地三十里王十

穀馬十匹

三十五年周公季歷伐西落鬼戎○王畋于河

渭大雷震死

文丁

史記作太丁非

名托

元年丁丑王卽位居殷

自沫歸殷邑

二年周公季歷伐燕京之戎敗績

三年洹水一日三絕

四年周公季歷伐余無之戎克之命爲牧師

五年周作程邑

七年周公季歷伐始呼之戎克之○夏六月周

十一年周公季歷伐翳徒之戎獲其三大夫來

獻捷王殺季歷

王嘉季歷之功錫之圭瓚秬鬯九命爲伯旣

而執諸塞庫季歷困而死因謂文丁殺季歷

執王季於塞庫羈文王於玉門鬱尼之情辭以作歌其傳久矣



十二年周文公元年有鳳集於岐山

十三年陟

帝乙

名羨

元年庚寅王卽位居殷

三年王命南仲西拒昆夷城朔方○夏六月周

地震

九年陟公率虜外誅其之命為郊

帝辛

名受卽紂也一曰受辛

元年巳亥王卽位居殷命九侯周侯邗侯周侯為西

昌伯

三年有雀生鷁

四年大蒐于黎○作炮烙之刑

五年夏築南單之臺○雨土于亳

六年西伯初禴于畢對時風○

九年王師伐有蘇獲妘己以歸○作瓊室立玉

門



WENZHOULIBRARY

十年夏六月王畋于西郊

十七年西伯伐翟○冬王遊於淇

二十一年春正月諸侯朝周○伯夷叔齊自孤

竹歸于周

二十二年冬大蒐于渭

二十三年囚西伯于羑里

二十九年釋西伯諸侯逆西伯歸于程

三十年春三月西伯率諸侯入貢

三十一年西伯治兵于畢得呂尚以爲師

三十二年五星聚于房○有赤鳥集于周社○

密人侵阮西伯帥師伐密

三十三年密人降于周師遂遷于程○王錫命

西伯得專征伐

約按文王受命九年大統未集蓋得專征伐

受命自此年始

三十四年周師取耆及邠遂伐崇崇人降○冬

十二月昆夷侵周

三十五年周大饑西伯自程遷于豐

三十六年春正月諸侯朝于周遂伐昆夷○西伯使世子發營鎬

三十七年周作辟雍

三十九年大夫辛甲出奔周

四十年周作靈臺○王使膠鬲求玉于周

四十一年春三月西伯昌薨周文王葬畢畢西於豐三十里

四十二年周武王元年西伯發受丹書于呂尚○有

女子化爲丈夫

四十三年春大開○嶢山崩

四十四年西伯發伐黎

四十七年內史向摯出奔周

四十八年夷羊見○二日竝出

五十一年冬十一月戊子周師渡盟津而還○

王囚箕子殺王子比干微子出奔

五十二年庚寅周始伐殷○秋周師次于鮮原

○冬十有二月周師有事于上帝庸蜀羌髡微

盧彭濮從周師伐殷伐殷至邢丘更各邢丘曰懷

湯滅夏以至於受二十九王用歲四百九十



WENZHOU LIBRARY

六年 起癸亥
終戊寅

竹書紀年卷上

竹書紀年卷下

周武王

名發初高辛氏之世妃曰姜嫄助祭郊禘見
大人迹履之當時歆如有人道感已遂有身
而生男以為不祥棄之阨巷羊牛避而不踐
又送之山林之中會伐林者又取而置寒冰
上大鳥以一翼籍覆之姜嫄以為異乃收養
焉名之曰棄枝頤有異相長為堯稷官有功
於民后稷之孫曰公劉有德諸侯皆以天子



WENZHOU LIBRARY

之禮待之初黃帝之世讖言曰西北爲王期
在甲子昌制命發行誅旦行道及公劉之後
十三世而生季歷季歷之十年飛龍盈於殷
之牧野此蓋聖人在下位將起之符也季歷
之妃曰大任夢長人感已浚于豕牢而生昌
是爲周文王龍顏虎肩身長十尺胷有四乳
大王曰吾世當有興者其在昌乎季歷之兄
曰太伯知天命在昌適越終身不反弟仲雍
從之故季歷爲嗣以及昌昌爲西伯作邑于
豐文王之妃曰太姒夢商庭生棘太子發植
梓樹於闕間化爲松栢棫柞以告文王文王
幣率羣臣與發竝拜告夢季秋之甲子赤爵
銜書及豐置于昌戶昌拜稽首受其文要曰
姬昌蒼帝子亡殷者紂王將畋史編卜之曰
將大獲非熊非羆天遣大師以佐昌臣太祖
史疇爲禹卜畋得臯陶其兆類此至于磻溪
之水呂尚釣於涇王下趨拜曰望公七年乃
今見光景于斯尚立變名荅曰望釣得玉璜

其文要曰姬受命昌來提撰爾洛鈴報在齊
尚出游見赤人自洛出授尚書命曰召佐昌
者子文王夢日月著其身又鸞鷲鳴於岐山
孟春六旬五緯聚房後有鳳凰銜書游文王
之都書又曰殷帝無道虐亂天下星命已移
不得復久靈祇遠離百神吹去五星聚房昭
理四海文王既沒太子發代立是爲武王武
王駢齒望羊將伐紂至于孟津八百諸侯不
期而會咸曰紂可伐矣武王不從及紂殺比
干囚箕子微子去之乃伐紂度孟津中流白
魚躍入王舟王俯取魚長三尺目下有赤文
成字言紂可伐王寫以世字魚文消燔魚以
告天有火自天止于王屋流爲赤烏烏銜穀
焉穀者紀后稷之德火者燔魚以告天天火
流下應以告也遂東伐紂勝於牧野兵不血
刃而天下歸之乃封呂尚於齊周德既隆草
木茂盛蒿堪爲宮室因名蒿室既有天下遂
都于鎬

十二年辛卯王率西夷諸侯伐殷敗之于珉野
王親禽受于南單之臺遂分天之明立受子祿
父是爲武庚○夏四月王歸于豐饗于太廟命
監殷遂狩於管○作大武樂

十三年巢伯來賓○薦殷于大廟遂大封諸侯
○秋大有年

十四年王有疾周文公禱于壇墠作金縢
十五年肅慎氏來賓○初狩方岳誥于沫邑○
冬遷九鼎于洛

十六年箕子來朝○秋王師滅蒲姑

十七年命王世子誦于東宮○冬十有二月王

陟年五十四

成王

名誦

元年丁酉春正月王卽位命冢宰周文公總百
官○庚午周公誥諸侯于皇門○夏六月葬武
王于畢○秋王加元服○武庚以殷叛○周文
公出居于東

二年奄人徐人及淮夷入于邳以叛○秋大雷電以風王逆周文公于郊遂伐殷

三年王師滅殷殺武庚祿父遷殷民于衛遂伐

奄滅蒲姑

姑與四國作亂故周文公伐之

四年春正月初朝于廟○夏四月初嘗麥○王

師伐淮夷遂入奄

五年春正月王在奄遷其君于蒲姑○夏五月

王至自奄○遷殷民于洛邑遂營成周

六年大蒐于岐陽

七年周公復政于王○春二月王如豐○三月

召康公如洛度邑○甲子周文公誥多士于成

周遂城東都○王如東都諸侯來朝○冬王歸

自東都○立高圉廟

八年春正月王初蒞阼親政○命魯侯禽父齊

侯叔遷庶殷于魯○作象舞○冬十月王師滅

唐遷其民于杜

九年春正月有事于太廟初用勺○肅慎氏來

朝王使榮伯錫肅慎氏命

十年王命唐叔虞爲侯○越裳氏來朝○周文公出居于豐

十一年春正月王如豐○唐叔獻嘉禾王命唐叔歸禾于周文公○王命周平公治東都伯禽約按周平公卽君陳周公之子伯禽之弟

十二年王帥燕師城韓王錫韓侯命

十三年王帥會齊侯魯侯伐戎○夏六月魯大禘于周公廟

十四年秦師圍曲城克之○冬洛邑告成

十八年春正月王如洛邑定鼎○鳳凰見遂有事于河

武王沒成王少周公旦攝政七年制禮作樂神鳥鳳凰見萁莢生乃與成王觀于河洛沈璧禮畢王退俟至于日昃榮光竝出幕河青雲浮至青龍臨壇銜玄甲之圖坐之而去禮于洛亦如之玄龜青龍蒼光止于壇背甲刻書赤文成字周公援筆以世文寫之書成文消龜隨甲而去其言自周公訖于秦漢盛衰

之符麒麟遊苑鳳凰翔庭成王援琴而歌曰
鳳凰翔兮於紫庭余何德兮以感靈賴先王
兮恩澤臻于胥樂兮民以寧
十九年王巡狩侯甸方岳召康公從歸于宗周
遂正百官黜豐侯

二十一年除治象○周文公薨于豐于西谷水
二十二年葬周文公于畢畢水之南歸豐樂
二十四年於越來賓

二十五年王大會諸侯于東都四夷來賓○冬
十月歸自東都有事于太廟

三十年離戎來賓

約按離戎驪山之戎也爲林氏所伐告于成
王

三十三年王遊于卷阿召康公從歸于宗周○
命王世子釗如房逆女房伯祈歸于宗周

三十四年兩金于咸陽

約按咸陽天雨金三年國有大喪

三十七年夏四月乙丑王陟

康王

名釗

元年甲戌春正月王即位命冢宰召康公總百官諸侯朝于豐宮

三年定樂歌吉禘于先王申戒農官告于廟
六年齊太公薨

九年唐遷于晉作宮而美王使人讓之
十二年夏六月壬申王如豐錫畢公命○秋毛懿公薨

十六年錫齊侯伋命○王南巡狩至九江廬山
十九年魯侯禽父薨

二十一年魯築茅闕門
二十四年召康公薨

二十六年秋九月己未王陟于萑○王薨
昭王

十名瑕

元年庚子春正月王即位復設象魏

六年王錫郇伯命○冬十二月桃李華



HOU LIBRARY

十四年夏四月恒星不見○秋七月魯人弑其君宰

十六年伐楚涉漢遇大兕

十九年春有星孛于紫微○祭公辛伯從王伐

楚天大暄雉兔皆震喪六師于漢○王陟

穆王

名滿

元年己未春正月王卽位作昭宮命辛伯餘靡

○冬十月築祗宮于南鄭

自武王至穆王享國百年穆王以下都于西

鄭

六年春徐子誕來朝錫命爲伯

八年春北唐來賓獻一驪馬是生駮耳

九年築春宮

王所居有鄭宮春宮

十一年王命卿士祭公謀父

十二年毛公班共公利逢公固帥師從王伐犬

戎○冬十月王北巡狩遂征犬戎

十三年春祭公帥師從王西征次于陽紆○秋



WENZHOU LIBRARY

七月西戎來賓○徐戎侵洛○冬十月造父御
王入于宗周

十四年王帥楚子伐徐戎克之○夏四月王畋
于軍丘○五月作范宮○秋九月翟人侵畢

冬蒐于萍澤○作虎牢

十五年春正月留昆氏來賓○作重壁臺○冬

王觀于鹽澤

一作王幸安邑
觀鹽池非是

十六年霍侯舊薨○王命造父封于趙

十七年王西征昆侖丘見西王母其年西王母

來朝賓于昭宮○秋八月遷戎于太原

王北征行流沙千里積羽千里征犬戎取其

五王以東西征于青鳥所解

三危山

西征還履

天下億有九萬里

十八年春正月王居祗宮諸侯來朝

二十一年祭文公薨

二十四年王命左史戎夫作記

三十五年荆人入徐毛伯遷帥師敗荆人于涉

三十七年大起九師東至于九江架鼃鼃以為



梁遂伐越至于紆○荆人來貢

三十九年王會諸侯于塗山

四十五年魯侯濟薨

五十一年作呂刑命甫侯于豐

五十五年王陟于祗宮宮諸侯來陳

共王

名繁

元年甲寅春正月王卽位

四年王師滅密○

九年春正月丁亥王使內史良錫毛伯遷命

十二年王陟

懿王

名堅

元年丙寅春正月王卽位天再旦于鄭

七年西戎侵鎬

十三年翟人侵岐

十五年王自宗周遷于槐里

十七年魯厲公擢薨



WENZHOULIBRARY

二十一年虢公帥師北伐犬戎敗逋

二十五年王陟

懿王之世興居無節號令不時挈壺氏不能
共其職諸侯於是攜德

孝主

名辟方

元年辛卯春正月王即位命申侯伐西戎

五年西戎來獻馬

七年冬大雨電江漢水牛馬死是年厲王生

八年初牧于汧渭

九年王陟

夷王

名燮焚人來燧離貝

元年庚子春正月王即位

二年蜀人呂人來獻瓊玉賓于河用介珪

三年王致諸侯烹齊哀公于鼎

六年王獵于社林獲犀牛一以歸

七年虢公帥師伐太原之戎至于俞泉獲馬千



匹○冬兩雹大如礪○楚子熊渠代庸至于鄂
八年王有疾諸侯祈于山川○王陟

厲王

名胡居地有汾水焉故又曰汾王

元年戊申春正月王即位作夷宮命卿士榮夷
公落○楚人來獻龜貝

三年淮夷侵洛王命虢公長父伐之不克○齊
獻公山薨

六年楚子延卒

八年初監諗芮伯良夫戒百官于朝

十一年西戎入于犬丘

十二年王亡奔彘國人圍王宮執召穆公之子

殺之

十三年王在彘共伯和攝行天子事號曰共和

十四年玁狁侵宗周西鄙○召穆公帥師追荆

蠻至于洛

十六年蔡武侯薨○楚子勇卒

十九年曹夷伯薨



竹書紀年卷之八
三百五十五
能詩五

二十二年大旱○陳幽公薨

二十三年大旱○宋僖公薨

二十四年大旱○杞武公薨

二十五年大旱○楚子嚴卒

二十六年大旱王陟于彘周定公召穆公立太

子靖為王共伯和歸其國遂大雨

大旱既久廬舍俱焚會汾王崩卜于太陽兆

曰厲王為崇周公召公乃立太子靖共和遂

入歸國和有至德尊之不喜廢之不怒逍遙得

志于共山之首○齊人滅其昔萬公無志立

宣王王會前赴于東泮登于南

名靖○魯公來聘○魯世不遇命

元年甲戌春正月王即位周定公召穆公輔政

○復田賦○作戎車○燕惠侯薨

二年錫大師皇父司馬休父命○魯慎公薨○

曹公子蘇弒其君幽伯疆

三年王命大夫仲伐西戎○齊武公壽薨

四年王命蹶父如韓韓侯來朝



WENZHOU LIBRARY

五年夏六月尹吉甫帥師伐玁狁至于太原○

秋八月方叔帥師伐荆蠻○

六年召穆公帥師伐淮夷○王帥師伐徐戎皇父休父從王伐徐戎次于淮○王歸自伐徐錫召穆公命○西戎殺秦仲○楚子霜卒

七年王錫申伯命○王命樊侯仲山甫城齊

八年初考室○魯武公來朝錫魯世子戲命

九年王會諸侯于東都遂守于甫

十二年魯武公薨○齊人弑其君厲公無忌立

公子赤

十五年衛釐侯薨○王錫虢文公命

十六年晉遷于絳

十八年蔡夷侯薨

二十一年魯公子伯御弑其君懿公戲

二十二年王錫王子多父命居洛

二十四年齊文公赤薨

二十五年大旱王禱于郊廟遂雨

二十七年宋惠公觀薨



二十八 年楚子狗卒

二十九 年初不藉千畝

三十年 有兔舞于鎬京

三十二年 王師伐魯殺伯御命孝公稱于夷宮

○陳僖公孝薨○有馬化為人

三十三年 齊成公薨○王師伐太原之戎不克

三十七年 有馬化為狐○燕僖侯卒○楚子鄂

卒

三十八年 王師及晉穆侯伐條戎奔戎王師敗

逋

三十九年 王師伐姜戎戰于千畝王師敗逋

四十年 料民于太原○戎人滅姜邑○晉人敗

北戎于汾隰

四十一年 王師敗于申

四十三年 王殺大夫杜伯其子隰叔出奔晉○

晉穆侯費生薨弟殤叔自立世子仇出奔

四十四年 晉殤叔元年

四十六年 王陟



幽王

名涅

元年庚申春正月王即位○晉世子仇歸于晉
殺殤叔晉人立仇是為文侯○王錫太師尹氏
皇父命

二年

辛酉晉文侯元年

涇渭洛竭○岐山崩○初增賦

○晉文侯同王子多父伐鄆克之乃居鄭父之
丘是為鄭桓公

三年王嬖褒姒○冬大震電

四年秦人伐西戎○夏六月隕霜○陳夷公薨

五年王世子宜臼出奔申○皇父作都于向

六年王命伯士帥師伐六濟之戎王師敗逋○

西戎滅蓋○冬十月辛卯朔日有食之

七年虢人滅焦

八年王錫司徒鄭伯多父命○王立褒姒之子

曰伯服為太子

九年申侯聘西戎及鄆

十年春王及諸侯盟于太室○秋九月桃杏實

○王師伐申

十一年春正月日暈○申人鄆人及犬戎入宗

周弒王及鄭桓公犬戎殺王子伯服執褒姒以

歸申侯魯侯許男鄭子立宜臼于申虢公翰立

王子余臣于攜是為攜王
二王並立

武王滅殷歲在庚寅二十四年歲在甲寅定

六鼎洛邑至幽王二百五十七年共二百八十

一年自武王元年巳卯至幽王庚午二百九

十二年

平王

名宜
曰

自東遷以後始紀晉事王即位皆不書

元年辛未王東徙洛邑錫文侯命晉侯會衛侯

鄭伯秦伯以師從王入于成周

二年秦作西時○魯孝公薨○賜秦晉以邠岐

之田

三年齊人滅祝○王錫司徒鄭伯命

四年燕傾侯卒○鄭人滅虢

五年秦襄公帥師伐戎卒于師○宋戴公薨

六年燕哀侯卒○鄭遷於溱洧

七年楚子儀卒

八年鄭殺其大夫關其思

十年秦還于汧渭

十三年魏武公薨

十四年晉人滅韓

十八年秦文公大敗戎師于岐來歸岐東之囿

二十一年晉文侯殺王子余臣于攜不書

二十三年宋武公卒

三十四年秦作陳寶祠

三十五年晉文侯薨○秦初用族刑

三十六年丙申晉昭侯元年晉封其弟成師于曲沃

三十二年晉潘父弑其君昭侯納成師不克立

昭侯之子孝侯晉人殺潘父

三十三年癸卯晉孝侯元年楚人侵申

三十六年衛莊公卒○王人戍申

四十年齊莊公卒○晉曲沃桓叔成師卒子鱗

立是為莊伯自是晉侯在翼稱翼侯



WENZHOU LIBRARY

四十一年辛亥莊伯元年春大雨雪

四十二年狄人伐翼至于晉郊○宋襄公薨○

魯惠公使宰讓請郊廟之禮王使史角如魯諭

止之

四十七年晉曲沃莊伯入翼弒孝侯晉人逐之

立孝侯子卻是為鄂侯

四十八年戊午晉鄂無雲而雷○魯惠公卒

四十九年己未魯隱公元年春秋始此魯隱公及邾莊公盟

于姑蔑

五十一年春二月乙巳日有食之○三月庚戌

王陟

桓王洛林

元年壬戌十月莊伯以曲沃叛伐翼公子萬救

翼荀叔軫追之至于家谷翼侯焚曲沃之禾而

還翼侯伐曲沃大捷武公請成于翼至相而還

相一作桐

二年王使虢公伐晉之曲沃晉鄂侯卒曲沃莊

伯復攻晉立鄂侯子光是為哀侯公子萬救翼

荀叔軫追之至于家谷

三年甲子晉哀侯元年

四年曲沃莊伯卒子稱立是為武公尚一軍

五年曲沃武元芮人乘京○荀人董伯皆叛曲沃

十一年晉小子侯元年曲沃獲晉哀侯晉人立哀侯子

為小子侯芮伯萬出奔魏萬之母逐萬

十二年王師秦師圍魏取芮伯萬而東之

十三年冬曲沃伯誘晉小子侯殺之晉曲沃滅

荀以其地賜大夫原氏黯是為荀叔戎人逆芮

伯萬于郊

十四年王命虢仲伐曲沃立晉哀侯弟緡于翼

為晉侯

十五年晉侯緡元年

十六年春滅翼

十九年鄭莊公卒

二十三年三月乙未王陟

莊王名佗

元年乙酉曲沃尚一軍異於晉

六年五月葬桓王

十五年王陟

釐王名胡齊

元年庚子春齊桓公會諸侯于北杏以平宋亂

三年曲沃武公滅晉侯緝以寶獻王王命武公

以一軍為晉侯

四年晉武公二十八年晉猶不與齊桓公之盟左傳註晉侯緝是年滅

五年晉武公卒子詭諸立為獻公王陟

惠王名閔

元年乙巳晉獻公元年晉獻公朝○王如成周周陽白

兔舞于市

二年王子頹亂王居于鄭鄭人入王府多取玉

玉化為蜮射人

九年晉城絳

十六年晉獻公作二軍滅耿以賜大夫趙夙滅

魏以賜大夫畢萬晉滅於大夫趙韓魏萌於此

十七年衛懿公及赤狄戰于洞澤洞當作洞

十九年晉獻公會虞師伐虢滅下陽虢公醜奔



WENZHOU LIBRARY

衛公命瑕父呂甥邑于國都

二十五年春正月狄人伐晉○王陟

襄王

元年庚午晉獻公卒立奚齊里克殺之及卓子

立夷吾

二年辛未晉惠公元年晉殺里克

三年雨金于晉

七年秦伯涉河伐晉

十五年晉惠公卒子懷公圉立秦穆公帥師送

公子重耳圍令狐桑泉曰衰皆降為秦師狐毛

與先軫禦秦至于廬柳乃謂秦穆公使公子繫

來與師言次子郇盟于軍公子重耳涉自河曲

十六年乙酉晉文公元年晉殺子圉

十七年晉城荀

二十年周襄王會諸侯于河陽

二十二年齊師逐鄭太子齒奔城張南鄭

二十四年晉文公卒

二十五年甲午晉襄公驪元年



三十年洛絕于洵

三十一年晉襄公卒

三十二年

辛丑晉靈公
夷皋元年

三十三年王陟

頃王

元年癸卯

六年彗星入北斗○王陟

匡王

元年巳酉

六年王陟○晉靈公為趙穿所殺趙盾使穿迎

公子黑臀于周立之

定王

元年乙卯

晉成公
元年

六年晉成公與狄伐秦獲秦謀殺之絳市六日

而蘇

七年晉成公卒于扈

八年

壬戌晉景
公元年

十八年齊國佐來獻王磬紀公之廟



WENZHOU LIBRARY

二十一年王陟

簡王

元年丙子

五年晉景公卒

六年辛巳晉厲公元年

十三年晉厲公卒○楚共王會宋平公于湖陽

十四年巳丑晉悼公元年王陟

靈王

元年庚寅

十四年晉悼公卒

十五年甲辰晉平公元年

二十七年王陟

景王

元年丁巳

十三年春有星出婺女○十月晉平公卒

十四年庚午晉昭公元年河水赤于龍門三里

十九年晉昭公卒○冬十二月桃杏花

二十年晉頃王元年



WENZHOU LIBRARY

二十五 晉頃公平王室亂立敬王

敬王

元年壬午

八年晉頃公卒

九年 庚寅晉定
公元年

十四年漢不見于天

二十六年晉青虹見

二十八年洛絕于周

二十六年淇絕于舊衛

三十九年晉城頓丘

四十三年宋殺其大夫皇瑗于丹水之上丹水

壅不流

四十四年王陟


元王

元年丙寅晉定公卒

二年 晉出公
元年

四年於越滅吳

六年晉澮絕于梁丹水三日絕不流



WENZHOU LIBRARY

竹書紀年卷下
三十一
晉本學
郭定刊

七年齊人鄭人伐衛○王陟

貞定王被焚元年癸酉於越徙都瑯琊

四年十一月於越子勾踐卒是為莢執次鹿郢

立王

六年晉河絕于扈

七年晉荀瑶城南梁一本出公二十年

十年於越子鹿郢卒不壽立下本木之土氏木

十一年晉出奔齊

十二年河水赤三日○荀瑶伐中山取窮魚之

丘

十三年晉韓龐取秦武城

十六年晉出公二十二年

十七年晉出公薨乃立昭公之孫是為敬公

十八年巳丑晉敬公元年

二十年於越子不壽見殺是為盲姑次朱勾立

二十二年楚滅蔡

二十四年楚滅杞



二十八年 晉敬公十一年 王陟

考王

元年 敬公十八年 魏文侯立

十年 楚滅莒

十一年 晉敬公卒

十二年 晉幽公 魯悼公卒

十四年 魯季孫會晉幽公于楚丘

十五年 王陟

威烈王

元年 丙辰

三年 晉大旱地生鹽

五年 晉丹水出反潔

六年 晉大夫秦嬴賊幽公於高寢之上 魏文侯

立幽公子止

七年 壬戌 晉烈 趙獻子城泫氏 韓武子都平陽

八年 趙城平邑

九年 楚人伐我南鄙至于上洛

十一年 田公子居思伐邯鄲圖平邑 ○ 於越滅



竹書紀年卷下

百五十五 姜培刊

滕

十二年於越子朱勾伐郟以郟子鳩歸

十四年於越子朱勾卒子翳立

十六年齊田盼及邯鄲韓舉戰于平邑邯鄲之

師敗逋遂獲韓舉平邑新城

十七年魏文侯伐秦至鄭還築汾陰郃陽○田

悼子卒田布殺其大夫公孫孫公孫孫以廩丘

叛于趙田布圍廩丘翟角趙孔屑韓氏救廩丘

及田布戰于龍澤田師敗逋

十八年王命韓景子趙烈子及我師伐齊入長

垣

二十三年王命晉卿魏氏趙氏韓氏為諸侯

二十四年王陟

安王

元年庚辰

九年晉烈公卒子桓公立

韓非子作桓侯

十年己丑

晉桓公頃元年

十五年魏文侯卒

在位五十年

○大風晝昏○晉太



WENZHOU LIBRARY

子喜出奔

○大風書晉○晉大

十六年

乙未魏武侯擊元年

封公子緩

二十一年韓滅鄭哀侯入于鄭

二十三年於越遷于吳

二十六年王陟○魏城洛陽及安邑王垣○七

月於越太子諸咎弒其君翳○十月越人殺諸

咎越滑吳人立孚錯枝為君

烈王

元年丙午魏公子緩如邯鄲以作難

邯鄲趙地名○

於越大夫寺區定越亂立初無余是為莽安

二年秦胡蘇帥師伐韓韓將韓襄敗胡蘇于酸

水○魏觴諸侯于范臺○晉桓公邑哀侯于鄭

○韓山堅賊其君哀侯

六年

辛亥梁惠成王元年

韓共侯趙成侯遷晉桓公于屯

留

以後更無晉事

○趙成侯偃韓懿侯若伐我葵

鄆城

七年王陟○我師伐趙圍蜀陽○齊田壽帥師

伐我圍觀觀降○魏大夫王錯出奔韓

顯王

元年癸丑鄭城邢丘

自此韓改稱曰鄭

○秦子向命為

藍君

二年河水赤于龍門三日

三年公子景賈帥師伐鄭韓明戰于韓我師敗

逋

四年夏四月甲寅徙邦于大梁○王發逢忌之

數以賜民○於越寺區弟思弒其君葬安次無

顯立

五年雨碧于郢地忽長十丈有餘高尺半

六年我師伐邯鄲取列人我師伐邯鄲取肥○

雨黍于齊

七年我與邯鄲

趙榆

次陽邑○

王會鄭釐侯于

巫沙

八年入河水于圃田又為太溝而引圃水瑕陽

人自秦導岷山青衣水來歸

九年秦師伐鄭次于懷○城殷

十年楚師出河水以水長垣之外○龍賈帥師

築長城于西邊○鄭取屯留尚子

十一年鄭釐侯使許息來致地平丘戶牖首垣諸邑及鄭馳地我取枳道與鄭鹿王及鄭釐侯盟于巫沙以釋它陽之圍歸釐于鄭

十二年魯恭侯宋桓侯衛成侯鄭釐侯來朝○

於越子無顯卒是為莢蠲卯次無疆位太延

十三年邾鄆成侯會燕成侯于安邑

十四年秦公孫壯伐鄭圍焦城不克秦公孫壯

帥師城上枳安陵山民邾鄆伐衛取漆富兵城

之○齊師及燕戰于洵水齊師遁

十五年齊田期伐我東鄙戰于桂陽我師敗逋

○東周與鄭高都鄭釐侯來朝中陽○宋景鼓

衛公孫倉會師圍我襄陵

十六年王以韓師諸侯帥縣于襄陵○齊侯使

楚景舍來求成○邾鄆之師敗我師于桂陵秦伐

韓闕與惠成王使趙破之不知是何年

十七年燕伐趙圍濁鹿趙靈王及代人救濁鹿

敗燕師于勺晉取玄武濩澤即雷澤舜魚處

十八年齊築房以為長城

十九年王如衛命公子南爲侯

二十年

二十一年魏殷臣趙公孫哀伐燕還取夏屋城

曲逆

二十二年壬寅孫何侵楚人三戶乳楚伐徐州

二十三年魏章帥師及鄭師伐楚取上蔡○孫

何取滎陽○秦孝公會諸侯于逢澤○絳中地

墀西絕于汾

二十四年魏敗韓馬陵

二十五年

二十六年穰疵帥師及鄭孔夜戰于梁赫鄭師

敗逋與齊田盼戰于馬陵

二十七年五月齊田盼及宋人伐我東鄙圍平

陽

九月秦衛鞅伐我西鄙○十月邯鄲伐我北鄙

○王攻衛鞅我師敗逋

二十八年城濟陽○秦封衛鞅于鄔改名曰尚

二十九年邠遷于薛○三月爲大溝于北鄆以



ZOU LIBRARY

行圃田之水

三十年

三十一年秦蘇胡帥師伐鄭韓襄敗秦蘇胡于

酸水不知何年附此

三十二年

三十三年鄭威侯與邯鄲圍襄陵

三十四年魏惠成王三十六年改元稱一年

王與諸侯會于徐州○於越子無疆伐楚

三十五年楚吾得帥師及秦伐鄭圍綸氏不知何年

此附

三十六年楚圍齊於徐州遂伐於越殺無疆

三十七年

三十八年龍賈及秦師戰于雕陰我師敗逋○

王會鄭威侯于巫沙

三十九年秦取我汾陰皮氏

四十年

四十一年秦歸我焦曲沃

四十二年九鼎淪泗沒于淵

四十二年

四十三年

四十四年 楚敗我襄陵

四十五年

四十六年

四十七年

四十八年 王陟 慎靚王

元年 辛丑 秦取我曲沃 平周

二年 魏惠成王薨

三年 今王元年

四年

五年

六年 鄭侯使韓辰歸晉陽及向 二月 城陽向

更名陽為河雍 向為高平

隱王

史記作赧王名延 蓋赧隱聲相近

元年 丁未 十月 鄭宣王來朝 梁 燕子之殺公子

平不克 齊師殺子之 醢其身

二年 齊地景長 長丈餘 高一尺 魏以張儀為



WENZHOU LIBRARY

相

三年韓明帥師伐襄丘○秦王來見于蒲坂關
○四月越王使公師隅來獻舟三百箭五百萬
及犀角象齒○五月張儀卒

四月翟章伐衛○魏敗趙將韓舉

五年洛入成周山水大出

六年十月大霖雨疾風河水酸棗○楚庶章帥
師來會我次于襄丘

七年翟章救鄭次于南屈此年未的

八年秦公孫爰帥師伐我皮氏翟章帥師救皮
氏圍水西風

九年城皮氏

十年

十一年

十二年秦拔我蒲坂晉陽宮到金

十三年邯鄲命吏大夫奴遷于

諸八史皆紹服

十四年

五

金丘



温州市图书馆

WENZHOU LIBRARY